



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvací, 1625

De inuidia diaboli contra salutem hominum. XV.

[urn:nbn:de:hbz:466:1-45790](#)

dicium eius, & effugere manus eius. In omni loco, oculi Domini Prou. 15.
contemplantur bonos & malos. Dic ergo cum David in psalmo:
Oculi mei semper ad Dominum, quoniam ipse euillet de laqueo pedes Psal. 33.
meos. Et: Nisi quia Dominus adiuvuit me, paulominus habita set in in- Psal. 33.
ferno anima mea. Non ponas spem tuam & pacem in homine, nec
in aliqua creatura cœli & terræ; si non vis errare, falli, & turba-
ri. Salus in solo Deo viuo, vero æterno, & summè bono, qui om-
nia creauit ex nihilo, & regit recto iudicio.

C A P V T XIV.

De malitia prauorum contra innocentias.

1. **B**enefac Domine bonis & rectis corde. Beati, qui ambulant in in- Psal. 124.
nocentia sua, coram te Domine: & sine dolo, in bona sim-
plicitate querunt te. Beati omnes, qui ante omnia & in omnibus
verbis & factis suis, laudem tuam, gloriam tuam, honorem tuum,
& amorem tuum, secundum omnem voluntatem tuam præten-
dunt; & nil proprietatis in omni opere suo habent, nec habere
cupiunt. Sit Iesus in corde tuo, in omni loco & tempore, in labore
& quiete, sine fictione, sine murmure, sicut decet humilem seruū
Dei, ad omnia bona paratum die ac nocte. Non sic impij, non sic, Psal. 1.
sed tanquā puluis, quē projicit ventus à facie terræ: & in quibus
non est timor Dei ante oculos eorum, nec amor Dei in cordibus
eorum. Quid ergo in eis & inter eos regnat? Omnis iniustitia,
lis & discordia, superbia, inuidia, fraus & nequitia. Hæc vita pra-
uorum, qui non cessant malignari; & bonos ac simplices inquietare.
Sed bonis ad meritum, ipsis malis ad supplicium: bonis ad
virtutum profectum, impijs ad malorum cumulum. Da nobis
Domine, cum bonis in virtutibus perseuerare. Amen.

C A P V T XV.

De inuidia diaboli, contra salutem hominum.

1. **I**nuidia diaboli mors intravit in orbem terrarum; & inde lis & Sap. 2.
discordia multa, inter homines est exorta. Heu, diabolus pes-
simus hostis generis humani, princeps tenebrarum, & rex super Iob 41.
omnes filios superbie, non cessat adhuc tentare & inquietare fi- Diabolus
deles Deo seruientes. Fecit discordiam in celo, inter Angelos; li- vbi que se-
cius, trahens eos ad peccandum; inter Abel & Cain, ad litigan- rit discor-
dum & occidendum; inter Iacob & Esau, ad odiendum.

2. Circuit quotidie per mundum, ad peruerendum, inter se-
cularem & religiosum, ad deridendum: inter laicum & clericum,

T t 4

ad

ad detrahendum: inter doctum & ignarum, inter stultum & sapientem. Fremit inter superbū & humilem, inter fortem & debilem, inter magnum & paruum, inter pulchrum & deformem, inter nobilem & degenerem, inter senem & iuuenem, inter prælatum & subditum, inter taciturnū & loquacē, inter simplicē & astutum, inter veracē & mendacem. Inter hos & alios multos bonos & malos Satan discurrit, nitens ad malum trahere, & à bono impedire. A quo nos custodire, & protegere dignetur Iesus Christus Dominus noster: qui per crucē suam principem mundi vicit, & preciosum sanguine suo de manu eius nos redemit. Qui cum Patre, &c.

C A P V T XVI.

De armatura Christi & Sanctorum contra vitia.

*Ephes. 6.
Matt. 24.*

*Matt. 3.
Lucas 6.*

1. Cor. 10.

T. **A** Cipite & induite armaturā Dei, ut possitis resistere in die malo, & in omnibus perfecti stare. Qui enim perseveraverit usque in fine, hic saluus erit. Et si quis aliquando ceciderit, & in aliquo offendit, non tamen desperet, sed citò pœnitentia & resurgat, cautius se custodiat & emendet. O quam bonum consilium & salutare remedium, certans contra omne malum dictum vel factum, promittens certanti & pœnitenti magnum meritū, & vincenti ac perseveranti æternum gaudium, post hoc exilium possidendum. Unde Ioannes Baptista prædicās regnum Dei & contemptum mundi, ait; *Pœnitentiam agite, appropinquauit enim regnum calorum.* Et Dominus: *Mensuram bonam, & confertam, & coagitatem, & supererfluentem, dabunt in finum vestrum.*

2. Arma militiae nostræ, non carnalia ab extra, sed spiritualia dona ab intra, charitatis opera, humilia seruitia, orationes, fletus, & ieiunia. Arma aurea, sunt sanctissima nomina Iesu & Maria, & omnium Sanctorum nomina deuotè invocata. Arma pauperis & humili serui Dei, sunt, crux, clavi, lancea, preciosa quinq; vulnera, & omnia passionis Christi stigmata in memoria scripta. Arma argentea, sunt sacræ scripturæ eloquia, doctorum volumina, clericorum iura, canonorum decreta, monachorum statuta, deuotorum preces, humili mores, obedientium exempla. Arma ænea & candida, sunt sanctorum martyrum prælia, & grauia eorum tormenta pro fide catholica, ad destruendum idola yana, & ad exaltandum nomen Iesu Christi crucifixi, super omnia regna & culmina mundi, & luminaria cæli.

3. Arma ferrea, sunt cilicia & ieiunia, & pœnitentium dura opera carni onerosa, longæ vigiliæ, preces multæ, lachrymæ amare pro animæ salute, calores in æstate, labores in pessic, frigoriæ in hyeme;

